


2023-mi atualinnginnermi ulluunerani neqeroorutit, kommunini kisitsisit pingaarnert

2023-mi qaammat januaarimi pisortat atualinnginnermi ulluunerani neqeroorutaanni meeqqat 3.734-t allatsissimapput, taakkunannga meeqqat 0,5-inik ukiullit 165-it, 1-inik ukiullit 644-t, 2-nik ukiullit 724-t, 3-nik ukiullit 743-t, 4-inik ukiullit 700-t aamma 5-inik ukiullit 758-it. Taamaasilluni meeqqat 0,5-5-inik ukiullit tamakkerlutik 89,4 pct.-ii atualinnginnermi ulluunerani neqeroorutini allatsissimapput. Meeqqat allatsissimasut annertussusaasa takutippaat innuttaasut akornanni meeqqat taaneqartunik ukiullit qanoq amerlatigisut atualinnginnermi ulluunerani neqeroorutini allatsissimanersut.

Titartagaq 1. Najugaqarfinni meeqqat atualinnginnermi ulluunerani allatsissimasut inissaqartitsineq malillugu annertussusaat



Najoqqutaq: <https://bank.stat.gl/OFNUKN1>

Saqqummersitami matumani aaqqissuussineq

Saqqummersitsinnermi matumani annertuumik aaqqissuussisoqarpoq.

1. Pisortanit atualinnginnermi ulluunerani neqeroorutit suussusaat misissorneqarput suliareqqinneqarlutillu.
2. Inissaqartitsinerup naatsorsuutaanni meeqqat sulisunut naleqqiullugit kisinneqarnerat atorunnaarsinneqarpoq. Taarsiullugu meeqqat nalunaarsuutaanni suussutsinut inissitsiterineq atorneqarpoq.
3. “Meeqgerisumut ataatsimut meeqqat amerlassussaannut” uuttuutini taamaallaat meeqqat sulisullu ataatsimut naleqqiullugit kisinneqarput. Meeqqanut sulisunullu naleqqiussilluni kisitsinnermi periaaseq nutaanngorlugu suliareqqinneqarpoq.
4. Meeqqat ukiui 0,5-imiit 5-inut suliarineqarput.
5. Inissaqartitsinerup annertussusaani 3-niit 5-inut ukiullit pineqarput.


Pisortat atualinnginnermi ulluunerani neqeroorutaanni sulisut

2023-mi pisortat atualinnginnermi ulluunerani neqeroorutaanni piffissaq tamakkerlugu sulisutut atorfillit 1.120-usimapput. Atualinnginnermi ulluunerani neqeroorutini sulisut tamakkerlutik arnanik sulisoqakkajunnerupput, 2023-milu arnat piffissaq tamakkerlugu sulisut 1.086-iusimapput angutillu piffissaq tamakkerlugu sulisut 34-usimallutik.

Paaqqinnittarfinni sulisut eqimattanut tallimanut agguaassimapput:

Pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Pisortat aammalu igaffimmi eqqiaanermilu sulisut tapersersuisutut/ikorfartuisutut sulisunik taaneqarsinnaasut sulisut tamakkerlutik 19,5 pct.-iinik annertussuseqarput. Perorsaasut, perorsaasutut ilinniarsimasut aammalu perorsaasunut ikiortit tamarmik meeqqanut paaqqinnittutut sulisunik (meeqkerisutut) naatsorsorneqarput. 2023-mi meeqkerisut 15,4 pct.-ii perorsaasutut sulipput, 28,0 pct.-ii perorsaanermik ilinniarsimasuullutik aammalu 56,5 pct.-ii perorsaasunut ikiortaallutik.

Titartagaq 2. 2023-mi meeqqanut paaqqinninnermik sulisut, amerlassusaat pct.-inngorlugillu annertussusaat




Najoqquaq: <https://bank.stat.gl/OFNUKN1A>

Meeqkerisumut ataatsimut meeqqat amerlassusaat

Meeqqat ukiuini agguataarsimasuni assigiinngitsuni sanilliunnarlugit aammalu meeqqat meeqqamut paaqqinnittumut ataatsimut kisinniarlugit meeqqat amerlassusiisa uuttuutaannik kisitsisoqarpoq. Periaatsip immikkoortuani taaguut annertunerusumik nassuiarneqarpoq. Tunngaviusorli tassaavoq meeraaqqerivimmiittoq ataaseq 1,67-inik meeqqat amerlassusaannut uuttuuteqartoq, meeqkerivimmiorlu ataaseq aamma meeqqat amerlassusaannut 1-imik uuttuuteqarluni. 2023-mi nuna tamakkerlugu meeqqat amerlassusiisa uuttuutaat meeqkerisumut ataatsimut agguaqatigiissillugu 5,3-iusimavoq. Meeqqat meeqkerisumut ataatsimut amerlassusaannut meeqqat sulisullu akornanni pissutsit apeqqutaasarpup, assersuutigalugu amerlassusaannut kisitsit annikippat meeqqat ikinnerunerannik imaluunniit sulisut amerlanerunerannik peqquteqarsinnaavoq.

2023-mi atualinnginnermi ulluunerani neqeroorutit, kommunini kisitsisit pingaarnerit – qupp. 2

Titartagaq 3. Atualinnginnermi ulluunerani neqeroorutini meeqqerisumut ataatsimut meeqqat amerlassusaat, najugaqarfik malillugu



Najoqqutaq: <https://bank.stat.gl/OFNUKN1A>

Meeqqanut sulisunullu naatsorsuutit tamakkerlugit

Tabel 1-mi meeqqat amerlassusaat aamma piffissaq tamakkerlugu sulisut suliaqarfinnut kommuninullu immikkoortiterlugit naatsorsorneqarput. Taamatuttaaq kisitsisaataasivimmi najugaqarfiit aamma neqeroorutit suussusaat malillugit kisitsisit takuneqarsinnaapput.

Tabel 1. 2023-mi meeqqat ukiuinut tulleriaarneri aammalu sulisut, kommunit malillugit

	Katillugit	Kommune Kujalleq	Kommuneqarfik Sermersooq	Qeqqata Kommunia	Kommune Qeqertalik	Avannaata Kommunia
Ulluunerani neqeroorutinniittut	3716	401	1511	721	400	683
0,5-inik ukiullit	165	22	43	55	19	26
1-inik ukiullit	644	69	285	135	57	98
2-nik ukiullit	724	76	302	131	66	149
3-nik ukiullit	743	80	293	150	93	127
4-inik ukiullit	700	71	269	129	77	154
5-inik ukiullit	740	83	319	121	88	129
Aqutsisut	69	9	22	17	8	12
Perorsaasut	139	18	59	23	13	26
Perorsaasutut ilinniarsimasut	253	29	98	48	25	53
Perorsaasunut ikiortit	510	43	203	99	58	107
Igaffimmi eqqiaanermilu sulisut	149	19	58	19	20	33
Piffissaq tamakkerlugu sulisut katillugit ..	1120	119	441	205	124	231
Meeqqat amerlassusaat	4738	512	1931	935	495	865
Meeqqerisut akornanni perorsaasut (pct.)	15,4	20,1	16,4	13,6	13,1	14,2
Meeqqeris. ataatsi. meeqqat amerlassusaat	5,3	5,7	5,4	5,5	5,2	4,6

Nalunaarut: Meeqqat 5-inik ukiullit pisortanit ulluunerani neqeroorutiniittut ilaanngillat.

Najoqqutaq: <https://bank.stat.gl/OFNUKN1A>

Periaaseq

Naatsorsuutini matumani pisortanit (ulluunerani) atualinnginnermi neqeroorutini pineqartut tassaapput meeraaqqeriviit, meeqqeriviit, ataatsimut paaqqinnittarfiit, ulluunerani paarsisartut kiisalu paaqqinnittarfiit. <https://bank.stat.gl/OFNUKN1> -imi aamma <https://bank.stat.gl/OFNUKN1B> -imi kisimi 5-inik ukiullit ikittuinnaat pisortat ulluunerani neqeroorutaanniittut (atuareernermi paaqqinnittarfinni imaluunniit atuarnermi atuareernermilu paaqqinnittarfinni) ilanngunneqarput. Naatsorsuutinilu ilaatinneqanngillat atualinnginnermi inissiisaarfiit namminersortut imaluunniit ullukut paaqqinnittarfiit namminerisamik ingerlatat kommuninit aqqissuussaangitsut. Naatsorsuutini piffissaq kisitsiviusoq qaammat januaarimi pivoq.

Ulluunerani neqeroorutit kisitsisai pingaarnerit najoqqutat taaneqartut tunuliaqutaralugit naatsorsorneqarput:

- Pisortat ulluunerani neqeroorutaanni kommunit allaffissornikkut ingerlatsiviannit Winformatik-imit meeqqat allatsissimasut nalunaarsuutaat
- Naatsorsueqqissaartarfiup pisortat suliffeqarfiutaanni atorfilinnut nalunaarsuiffianit
- Naatsorsueqqissaartarfiup inunnut nalunaarsuiffianit
- Ilinniartitaanermut aqutsisoqarfimmit igaffimmi eqqiaanermilu sulisut pillugit paasissutissaataannit.

Meeqqat

Meeqqat 0,5-iniit 5-inut ukiullit pineqarput. Meeraaqqerivinniit meeqqerivinnut nuunneq nalinginnaasumik pisarpoq meeqqat pingasunit ukioqaleraangata. Taamaattumik meeqqat 0-2-nik ukiullit meeraaqqerivinniittutut naatsorsorneqarput, meeqqallu pingasunik ukioqalereersimasut meeqqerivinniittutut naatsorsorneqarlutik. Meeqqat amerlanerit tamakkiisumik meeraaqqerivimmiunut meeqqerivimmiunullu paaqqinnittarfinniikkajunnerusarput, meeqqalli inini immikkoortuniissinnaasarlutik. Paaqqinnittarfinni assigiinngitsuni sulisunik atuinerit sanilliunniarlugit meeqqat amerlassusiisa uuttuutaat pilersinneqarpoq.

Meeqqat amerlassusiisa uuttuutaat meeraaqqerivinni sulisut kisinneqarneri nalinginnaasumik meeqqerivinni sulisut kisinneqarnerinit annertunerunerata matussuserpaa. Meeqqat amerlassusiisa uuttuutaannut kisitsinnermi atualinnginnermi ukiulinnut perorsaanikkut ineriartuutaasussamik meeqqanut neqeroorummut inatsisiliussaq tunngavigineqarpoq. Uanilu aalajangiunneqarpoq meeraaqqerivinni sulisut kisinneqarnerat minnerpaaq meeqqamut ataatsimut 1,67-inik amerlatigisunik meeqqerivinni sulisut kisinneqarnerinit annertunerussasoq.

Paaqqinnittarfik pingasunik meeraaqqerivimmiuutilik aammalu marlunnik meeqqerivimmiuutilik tassa: Meeraaqqerivimmiut pingasut*1, 67 meeraaqqerivimmiut meeqqat amerlassusiinut/uuttuutaannut ataatsimut +

2023-mi atualinnginnermi ulluunerani neqeroorutit, kommunini kisitsisit
pingaarnerit – qupp. 4

meeqquerivimmiut marluk *1 meeqqerivimmioq meeqqat
amerlassusiinut/uuttuutaannut ataatsimut = meeqqat
amerlassusaat/uuttuutaat arfineq marluk

Sulisut

Ulluunerani neqeroorutini sulisut ukiumoortumik piffissaq tamakkerlugu sulisutut naatsorsugaapput (piffissaq tamakkerlugu atorfilittut). Sulisullu eqimattanut tallimanut agguanneqarput; pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Perorsaanermik ilinniarsimasuni pineqarput ilinniakkat sivikinnerusut perorsaanernik imaqtartut soorlu meeqqanut ikiortit imaluunniit inunnut isumaginninnermi aammalu peqqissaanermi ikiortit.

Ulluunerani neqeroorutit kisitsisaasa pingaarnerit kisinneqarnerini naatsorsuutigineqarpoq perorsaasut, perorsaanermik ilinniarsimasut aammalu perorsaasunut ikiortit suliaat pingaarneq tassaasoq meeqqanik paaqqinninneq. Pineqartullu sulisut eqimattakkaarnerini meeqqanik paaqqinnittutut sulisunik naatsorsuutini taaneqarput. Pisortat aammalu igaffimmi eqqiaanermilu sulisut meeqqanik paaqqutarinninnerunngitsumik suliaqtartutut naatsorsuutigineqarput. Ulluunerani neqeroorutini sulisut naatsorsorneqarnerini meeqqanut atualinnginnermi ukiulinnut perorsaanermi ineriartuutaasussamik neqeroorutit inatsit malinneqarpoq.

Sulisunik eqimattakkaarineq ilinniarsimanermut atorfiullu nassuiarneqarneranut pisortat akissarsialeriviannit paasissutissat tunuliaqutaralugit pivoq. Ilinniarsimanngitsut atorfinnut eqimattakkuutaarlugit agguaanniarlugit sulisunut meeqqanut paaqqinninnermik suliaqanngitsunut, soorlu igaffimmiunut, eqqiaasunut allanullu ilassutitut paasissutissanik kommuninut aallernissaq pisariaqarsimavoq.

Tabel 1. Atualinnginnermi ulluunerani neqeroorutini sulisut agguataarneri

Ikiortit	Meeqqanik paaqqinninnermik sulisut
Pisortat	Perorsaasut
Meeqquerivinni pisortat	Perorsaasutut piginnaasallit
Meeraaqquerivinni pisortat	Pædagogassistentit
Igaffimmi sulisut il.il.	Socialassistentit
Eqqiaanermi sulisut	Isumaginninnermi ikiortit
Allaffimmi sulisut	Peqqinnissamut ikiortit
Ilinniartut	Ulluklut paaqqinnittartut
	Perorsaanermi ikiortit
	Sulisut ilinniarsimanngitsut

Kisitsisit pingaarnert

Perorsaasut meeqqanut paaqqinninnermi sulisutut agguaqatigiissinnerat
Sulisut agguaqatigiissinnerini tamakkiisumik meeqqanik paaqqinninnermik suliaqartunit naleqqiullugit perorsaannermik ilinniarsimasutut taaneqarput.

Meeqqat amerlassusiisa uuttuutaat meeqqanut paaqqinninnermik sulisunut naleqqiullugit

Meeqqat amerlassusiisa uuttuutaattut meeqqanut paaqqinninnermik sulisunut agguaallugit taaneqarput. Kisitsineq ulluunerani neqeroorutit assigiinngitsut akornanni sulisut meeqqallu amerlassusiisa katitigaanerisa sanilliunneqarsinnaanissaa pillugu suliarineqarpoq.

Meeqqat 0,5-5-inut ukiullit ulluunerani neqeroorutini allatsissimasut amerlassusaat

Pisortat ulluunerani neqeroorutaanni meeqqat allatsissimasut ukiup naalernerani innuttaasuni meeqqanut 0,5-5-inut ukiulinnut naleqqiullugit agguaqatigiissinnerannik taaneqarpoq. Kisitsinnermi meeqqat ukiui apeqqutaatinnagit atualinnginnermi ulluunerani neqeroorutini allatsissimasut tamakkerlugit ilaatinneqarput. Kisitsinnermilu meeqqat atualinnginnermi ulluunerani neqeroorutini qaammat januaarimi allatsissimasut aammalu meeqqat arfinilinnik amerlanernilluunniit ukiullit ilaatinneqarput.

Misissuineq aammalu kukkunernut pissutaasut

Atualinnginnermi ulluunerani neqeroorutini meeqqat sulisullu agguaanneri kontomit naatsorsuuseriviusumit kommunit naatsorsuuserivianninngaanneersumit atit aammalu paaqqinniffimmi imaluunniit ulluunerani neqeroorutini atit malinneqarput.

Meeqqat inuttut normui eqqortuunersut misissorneqarput, aammalu meeqqat allatsissimasut marloriaammik allaqqanersut misissorneqarput. Marloraammik allatsissimasut ilaatinneqanngillat.

Sumiiffiup imaluunniit paaqqinnittarfiup ulluuneraniluunniit neqeroorutip atia eqqortuunersoq misissorneqarpoq.

Paaqqinnittarfiit sulisoqarnikkut nalunaarsuinikullu tamakkiisumik paaqqinnittarfittut ingerlasut amerlapput, meeqqat meraaqqerivimmiutut imaluunniit meeqperivimmiutut allatsissimagaluartut. Uanilu naatsorsuinnermi paaqqinnittarfiit taamaattut tamakkiisumik paaqqinnittarfittut ataatsimoortinneqarput.

Meeqqat ulluunerani neqeroorutini allatsissimasut amerlassusaannut kisitsinnermi meeqqat inuit allattorsimaffianni paaqqinnittarfimmi allatsissimanera najugarisami pineqartumiinnersoq misissorneqarpoq. Annertunngitsumik inunnik nalunaarsuiffimmi sumiiffimmut aammalu atualinnginnermi ulluunerani neqeroorutit sumiiffianut paasissutissani kukkunermik nikingassuteqartoqarpoq. Kukkusumik nikingassut maannamut missiliorlugu 1-1,5 pct.-ii annertuumik malunnaateqanngitsumik isigineqarpoq. Nikingasoqartillugu ulluunerani neqeroorut pineqartoq pingaarnertut paasissutissiisuvoq.

2023-mi atualinnginnermi ulluunerani neqeroorutit, kommunini kisitsisit
pingaarnert – qupp. 6

Atualinnginnermi paaqqinnittarfiit namminerisamik pigineqartut naatsorsuutini ilaatinneqanngillat. Naatsorsueqqissaartarfiulli atualinnginnermi paaqqinnittarfiit pingasut namminerisamik pigineqarlutik ingerlanneqartut 2016-imiit 2023-mut Nuummi inissisimasut ilisimaarai. Taakku tamakkerlutik meeqqanik 60-80-inik allatsissimasuuteqarput. Nuna tamakkerlugu paaqqinniffiit namminerisamik pigineqartut meerartai naatsorsuutini ilaagaluarpata ulluunerani neqeroorutit amerlassusaannik kisitsineq missiliorlugu 1 procentpointinik annertunerussagaluarpog.

Ukiut eqimattakkaarnerini 0-5-inik ukiullit amerlassusaannut kisitsinnermi meeqqat 0-inik ukiullit suli meeraaqqerivimmiinnissamut ukiunik angusaqarsimanngitsut kisitsinnermi ilaatinneqarput. Ulluunerani neqeroorutit ataasiakkaat arfinilinnik amerlanernilluunniit ukiulinnik amerlasuunik allassimasuuteqarput. Tassungalu peqqutaasinnaavoq atualernissap kinguartinneqarsimanera imaluunniit paaqqinnittarfiit (utaqqiisaangallartumik) atualinnginnermi ulluunerani neqeroorummit allaanerusumik, assersuutigalugu atuareernermi paaqqinnittarfittut ingerlataqarneranik peqquteqarsinnaalluni.

Atualinnginnermi ulluunerani neqeroorutini sulisut nalunaarsorneqarnerat pisortani atorfillit nalunaarsuiffiannit tunngaveqarpoq, naatsorsuutillu pineqartut tatiginassusaat aamma pisortani atorfillit nalunaarsuiffiata tatiginassusaanut atassuseqarpoq.

Kommuneqarfiit akornanni nerisat tungaatigut sulisullu allat saniatigut aaqquissuussinerit assigiinngissuteqarsinnaapput. Vikarit suliffeqarfimmut ataatsimulluunniit siunertaqartumik nalunagaasinnaasarpud. Suliffeqarfiit nerisat tungaatigut aaqquissuussinerat igaffinni ikiortinit ingerlanneqarsinnaasarpog nerisassiorfitsigulluunniit allatigut isumagineqartarluni.

Ilisarnaatinut nassuiaatit:

... Paasisutissat pigineqanngillat

.. Paasisutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

* Kisitsisaagallartoq kisitsilluunniit eqqoriarneqartoq

Saaffiginniffissaq

Gorm N. Pedersen

E-mail: gnpe@stat.gl

Pisortat aningaasaqamerat

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

www.stat.gl · e-mail: stat@stat.gl

